

SOALAN NO: 8

PEMBERITAHUAN PERTANYAAN DEWAN RAKYAT

PERTANYAAN: LISAN

DARIPADA: Y.B. TUAN R.SIVARASA

TARIKH: 31 MAC 2014

SOALAN:

Tuan R. Sivarasa [Subang] minta **MENTERI SUMBER MANUSIA** menyatakan adakah Kementerian bersetuju membuat pindaan kepada Akta Perhubungan Perindustrian 1967 supaya kes-kes penamatian/pembuangan kerja boleh dibawa terus kepada Mahkamah Perusahaan dan bukan melalui rujukan daripada Menteri.

PR-1321-L60514

JAWAPAN:

Tuan Yang Di Pertua,

1. Akta Perhubungan Perusahaan 1967 diadakan untuk mewujudkan keharmonian perusahaan dan menyelesaikan pertikaian perusahaan di antara majikan dan pekerja melalui rundingan damai dan *mediation*.

Tuan Yang Di Pertua,

2. Kementerian Sumber Manusia sedang dalam proses akhir untuk meminda Akta Perhubungan Perusahaan 1967 (Akta 177). Pindaan ini adalah berdasarkan input yang diperolehi melalui 26 pertemuan (*engagement*) di peringkat akar umbi melalui *roadshow* yang telah dijalankan di seluruh negara pada tahun 2012. Berdasarkan input-input yang telah diperolehi, pada 8 November 2012 dan 11 Disember 2012, Jabatan telah mengadakan perbincangan lanjut dengan *stakeholder* yang terdiri daripada wakil-wakil kesatuan sekerja, persatuan-persatuan majikan dan pekerja termasuklah *Malaysian Employers Federation (MEF)* dan *Malaysian Trade Union Congress (MTUC)*. Berdasarkan perbincangan tersebut, majoriti telah bersetuju untuk mengekalkan peruntukan sedia ada di bawah seksyen 20 dengan melakukan beberapa cadangan penambahbaikan. Oleh itu, melalui pindaan kali ini, pandangan semua pihak akan digabungkan untuk menghasilkan peruntukan yang terbaik bagi memenuhi kehendak majoriti *stakeholder*, kesatuan majikan dan pekerja.